



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

XXX [i. e. XXXI]. De sententia excommunicationis.

urn:nbn:de:hbz:466:1-20006

prudentium habetur, id moris existat, ut causæ quæ judicem moveant non existimantur in sententiis proferendis, vobis taliter respondemus, quod cùm ex depositionibus tertium prædictorum constiterit vobis sententiam à judge suo fuisse prolatam, propter auctoritatem judicariam præsumi debet omnia legitimè processisse.

Idem Abbatii sancti Zenonis.

*Cap. 13. de
sent. & re ju-
dic.*

Cum inter vos ex una parte &c. *Et infra.* Quantum ad litigantes ipsos jus ex sententia factum fuit postquam in rem transitit judicatam, etiam si contra jus constitutionis expressè lata non fuerit, veritate gestorum sermonibus prævalente, quæ præsumuntur rite per omnia celebrata.

TITULUS XXXI.

De sententia excommunicationis.

*Idem Abbatii & conventui sancti Germani
Altisiodorensis.*

*Vide gesta Ab-
batum S. Ger-
mani Altisio-
dot. c. 13.*

Gravis ex parte vestra fuit in auditório nostro querela proposita quod venerabilis frater noster Altisiodorensis Episcopus & Presbyteri ejusdem dioecesis homines vestros absque manifesta & rationabili causa, non servato juris ordine, excommunicationi subiciunt pro sua arbitrio voluntatis. Volentes igitur gravamini vestro paterna sollicitudine providere, si predictus Episcopus & Presbyteri in homines vestros excommunicationis sententiam absque manifesta & rationabili causa & juris ordine non servato duxerint promulgandam, eam decernimus non tenere, & vos auctoritate apostolica divina eis officia celebretis.

Idem Affiranensis Episcopo.

*Lib. 2. epist.
166.*

Sicut nobis tuis litteris intimasti, cùm aliquos tuæ dioecesis clericos vel laicos culpis suis exigentibus excommunicationi supponis, ipsi postmodum ad te, nulla satisfactione præmissa, sine testimonialibus litteris redeuntes, dicunt se absolutionis beneficium receperisse. Quibus si credi debeat in hac parte, per nos instrui simplieriter postulasti, cùm propter causam hujusmodi, sicut dicis, tuae sententiae à subditis contemnuntur. Nolentes itaque maliciis hominum indulgere, fraternitati tua taliter respondemus, quod nisi excommunicati à te super absolutione sua litte-

ras nostras vel illius cui vices nostras in hac parte commisimus reportarint, aut alio modo legitimo de illorum tibi absolutione constiterit, tu eorum absolutioni fide non habita, ipsos pro excommunicatis ut prius habeas & facias evitari.

*Idem Archiepiscopo, Decano, & Precentori
Lugdunensi.*

Cum pro causa quæ inter dil. fil. &c. *Cap. 27. de
fene, excommu-*
*frā. Si vobis constiterit F. Ar-
chidiaconum ob duplē causam excom-
municatum fuisse & expressē tantum al-
teram in literis quas super absolutione sua
ab apostolica sede obtinuit, ipsum tam-
quam excommunicatum satisfacere Ec-
clesiæ sua de altera, monitione præmissa,
per censuram ecclesiasticam appellatione
remota cogatis.*

*Idem Colimbreñs & aliis Episcopis
Portugalensibus.*

Cum in partibus vestris peccatis ex-
gentibus sepe contingat diversa loca
interdicto supponi, quando generale vel
particulare dici debeat interdictum, apud
vos accepimus in dubium revocari, cùm
illi qui ab Ecclesia Romana decorari pri-
vilegio meruerint, videlicet ut cùm gene-
rale interdictum terræ fuerit, liceat eis
clausis januis, non pulsatis campanis, ex-
clusis excommunicatis & interdictis, sup-
pressa voce, divina officia celebrare, in-
terdicto particulari se afferant non artari,
afferentes illud interdictum generale dun-
taxat quando regnum vel saltem provincia
tota subditur interdicto. Propter quod &
justitia saepius deperit, & prælatorum sen-
tentiae contemnuntur, cùm in aliis inter-
dictis promptius divina celebrent, & sus-
pensis organis aliorum, ipsi pulsatis cam-
panis & apertis januis quoilibet passim re-
cipiant ad divina. Ne autem diversa in-
terpretatio discordia causam inter vos ul-
terius & odij fomitem valeat ministrare,
vel quod interdictum dici debeat generale
amodo in dubium revocetur, significatio-
ne vobis præsentium intimamus quod
cùm in privilegio de regno vel provincia
nihil expressè dicitur, nomine terræ non
solum regnum vel provinciam intelligi
volumus, verum etiam villam & castrum,
ut & in his locum habeat quod de generali
dicitur interdicto, videlicet ut cum villa
vel castrum generali subjicitur interdicto,
præscripta privilegij forma debeat obser-
vari.

*Lib. 1. epist.
514.*

*Vide Balenij
notas ad Con-
cil. Narbo.
an. 1090.*

Innocentij III. Romani Pontificis. 589

* Nidrosiensis

Lib. I. epist.
381.

Idem * Nidronensi Archiepiscopo.

Quod in dubiis nostro postulas certificari rescripto, ut juxta illud tuae discretionis arbitrium modereris, fraternitatem tuam dignis in Domino laudibus commendamus. Sanè consuluit nos tua fraternitas utrum altare in quo excommunicatus divina celebrare præsumpsit reconsecrari debeat, & an sit communicandum excommunicato qui quod staret mandato Ecclesiæ juratoriam præstitit cautionem, sed nondum absolutionis beneficium est adeptus, & si excommunicato communicare aliquis, & qui etiam teneatur. Quæsivisti etiam quæ peccata his fuerit injungenda qui excommunicatis volentes communicant, vel inviti. Ad hæc autem fraternitati tuae taliter respondemus, quod nec altare in quo excommunicatus celebrat debet, nisi aliud interveniat, consecrari, nec excommunicato, licet quod stet mandato Ecclesiæ juramento firmarit, communicari debet, donec fuerit per Ecclesiam absolutus, alioquin post juramentum non esset absolutione necessaria. Vtrum autem si absolutionis beneficium non contemptus religionis, sed articulus necessitatis excluderit, tali vel saltem in morte communicare sit licitum, quia minimè per tuas litteras requisisti, ad praesens non duximus respondentium. Nullus autem omnino nominatum excommunicato scienter communicare tenetur, nisi quædam personæ quæ per illum Gregorij Papæ capitulum *Quoniam multos* specialiter excusantur. Illi autem qui nominatum excommunicatis præsumptuose participant, præter personas dicto canone denotatas, nisi ab eorum participatione commoniti forte destiterint, excommunicationis sunt vinculo innodandi. Secùs autem si ei scienter communicant qui cum participibus suis est vinculo excommunicationis sententialiter innodatus. Tunc enim & ipsi sententiam excommunicationis incurunt. Altare vero in quo tabula cui consecratione benedictio pontificali ministerio adhibetur, si mota fuerit vel enormiter fracta, debet non immerito consecrari. Nec negamus quin oleum non consecratum consecrato possit oleo commisceri. Clerici autem qui excommunicati, vel ab excommunicatis scienter ad ordines sunt promoti, debent ab ordine sic suscepito deponi.

Idem Doctoribus decretorum Bononiensibus.

Intra alia quæ venerabilis frater noster Cap. 31. de
Nidrosiensis Archiepiscopus dudum sent. excom.

apostolatui nostro proponi fecit humiliter consulendo, illud etiam, si bene meminimus, inquisivit, utrum excommunicato communicare quis & qui etiam teneantur. Cui super illo recolimus articulo respondisse quod nullus omnino nominatum excommunicato tenetur communicare scienter, nisi quædam personæ quæ per illum Gregorij Papæ capitulum *Quoniam multos* specialiter excusantur. Verum ex hac nostra responsione magna quibusdam, sicut acceperimus, exorta est occasio disputandi, aliis concedentibus quod excommunicato communicare tenentur personæ in prædicto capitulo nominatae, præsertim quæ prius ad communicationem eorum ex debito tenebantur, aliis afferentibus eos excommunicatis communicare licet posse, si velint, non tamen ex hoc ex necessitate teneri. Ut igitur unde ius prodiit, interpretatione procedat, ambiguitatem hujusmodi taliter duximus absolvendam, cum quod quædam personæ in præmisso capitulo denotatae illis in quos lata fuit excommunicationis sententia subsequenter ante prolationem ipsius obsequi tenerentur & familiariter adhærere, neque postmodum ad contrarium teneantur, cum adhuc ipsum debitum duret beneficio canonis id agente, priore non sunt obnoxietate solitare, sed ad familiare tenentur obsequium, & ita per consequentiam ad communionem quoque tenentur, sine qua illum nequeant exhibere. Id autem non ad omnes personas capituli credimus referendum, ut videlicet obnoxietati hujusmodi sint subiectæ, cum viatores, peregrini & mercatores à communione talium personarum, nisi articulus necessitatis immineat, debeant abstinere, sicut ejusdem canonis serie colligitur manifeste, sed ad illas dum taxat quæ talibus artiori tenentur obnoxietate constrictæ, quibus tamen in his pro quibus sunt excommunicatione notatae, ut in criminibus, communicare non debeant, sed ab eis penitus abstinere. Unde prudenter in præmissa consultatione respondemus, non omnes personas, sed quasdam, quæ per illum Gregorij Papæ canonem specialiter excusantur, ad communionem hujusmodi præmisso modo teneri. Vtrum autem & illæ personæ propter atrocitatem facinoris severius punientur.

E E c iiij

590 Prima collectio Decretalium

di, à communione talium per excommunicationis sententiam debeant aliquando prohiberi, quia quæ situm non extitit, responsum non fuit.

Idem Laur. ... Episcopo.

Lib. 2. epist. 66.

Nuper à nobis tua fraternitas requisiti vit quid sit de illis laicis sentiendum qui clericos violenter, sine læsione tamen, in custodia detinunt publica vel privata, vel etiam detrudunt in vincula, utrum in canonem latæ sententiae incident, ut ipso facto sint vinculo excommunicationis innodati, sicut illi qui manus in clericos iniiciunt temerè violentias, & utrum qui nominatim excommunicatis scienter communicant, absolvii ab excommunicatione possint per confessionem à simplici sacerdote, vel Episcopi seu Archipresbyteri fit ab eis absolutio expetenda. Nos igitur inquisitioni tuæ taliter duximus ex ordine respondendum, quod in primo consultationis articulo non credimus laicos poenam excommunicationis evadere, quamvis eorum factio corporalis læsio non fuerit subsequuta, citra quam violentia sæpius circa clericos nequiter perpetratur. In secunda verò quæstione credimus distingendum, an is qui nominatim excommunicato scienter communicat, in criminis communicet criminoso, ei consilium impendendo auxilium, vel favorem, aut alijs in oratione, vel osculo, vel orando secum, aut etiam comedendo. In primo quidem articulo, cùm talis & communicet criminis & participet criminoso, ac per hoc ratione damnati criminis videatur in eundem delinquere qui damnavit, ab ejus superiore merito delicti tunc erit absolutio requiranda, cùm juxta canonicas sanctiones facientes & consentientes pari poena plementur. In secundo verò casu, à suo Episcopo vel proprio sacerdote poterit absolutionis beneficium obtainere. Quamvis enim & tunc non judicis sed illius intentia excommunicato communicans sit ligatus, quia tamen conditor canonum solutionem ejus sibi specialiter non retinuit, eo ipso concessisse videtur aliis facultatem relaxandi. Is qui juxta primum modum excommunicato communicat, cum iuramento debet absolviri. Qui verò juxta secundum modum illi participat, reconciliari poterit sine juratoria cautione. Verum si difficile sit ex aliqua justa causa quod ad ipsum excommunicatorem absolvendus accedat, concedimus indulgendo ut præ-

stita juxta formam Ecclesiæ cautione quod excommunicatoris mandato parabit, à suo absolvatur Episcopo vel proprio sacerdote.

Idem Spirensi, Argentinensi, & Varmaciensi Episcopis.

Qvanta presumptionis & temeritatis existat in rectores Ecclesiæ manus incere violentas in evangelio Dominus protestatur, qui se in ministris suis afferit, & in Apostolorum principe alibi se perhibuit iterum crucifigi. Hoc etiam poenæ qualitas manifestè declarat, cùm excommunicationis in ipso actu feriat delinquentes, si non solum in fratres & coëpiscopos nostros, sed & in minoris ordinis clericos violentiam præsumperint operari. Neautem solos violentæ hujus actores aliquorum præsumptio crederet taliter puniendos, facientes & consentientes pari poena canonica censura condemnat, eos etiam delinquentibus favere interpretans qui, cùm possint, manifesto facinori desinunt obviare.

Idem B. Magistro scholarum & Valberto canonico Tarvissino.

Super eo quo nos vestra discretio re-
quisivit, videlicet quid faciendum sit de his qui captioni bona memoria Belunensis Episcopi, ex qua dinoscitur à quibusdam alii crudelissime interemptus, se diabolico instinctu interfuisse fatentur, si ad Ecclesiam redire voluerint, in qua sint forma recipiendi ab ea, vobis taliter respondemus, quod cùm tam enorme flagitium debita velimus severitate punire, ne facilitas venia incentivum præbeat delinquendi, si communioni fidelium reconciliari desiderant, ad sedem apostolicam veniant absolvendi, nisi forte articulus mortis immineat, vel hostilitas impedit capitalis, quibus in utroque casu, recepta secundum formam Ecclesiæ sufficientissima cautione quod vestris debeant obedire mandatis, absolutionis beneficium nostra auctoritate potestis impendere; ita tamen quod opportunitate recepta, suscepturn mandatum, ad sedem apostolicam accedere non postponant.

Idem Abbati sancti Andree.

Anobis est saepe quæsitum, utrum si aliquis excommunicatus, in quo indicia fuerint penitentiae manifesta, nec per eum steterit quod minus reconcilietur

Dif. 83. c. E.
or.

Vide Lib. 2. ep. 27.

ecclesiastice unitati , non suscepto beneficio absolutionis decesserit , pro absoluto ab Ecclesia sit habendus , & utrum pro tali recipienda sit eleemosyna , & à fidelibus sit orandum . Ut autem quod intendimus per suppositionem exempli apertius exprimamus , quidam Presbyter & Canonicus regularis , sicut per tuas nobis literas intimasti , cùm publica laboraret infamia quòd ad quandam conjugatam accederet , maritus ejusdem mulieris & consanguinei ejus in eum manus injeceret temere violentas , propter quod per Episcopum denuntiati sunt excommunicationis sententiae subjacere . Verùm ipsi postmodum ad eundem Episcopum accedentes , præstito in manibus ejus quòd parerent judicio Ecclesiae corporaliter juramento , in mandatis receperunt ab ipso quòd propter hoc apostolico se conspectui præsentarent . Cùmque unus illorum se ad iter accingere veniendi , à quibusdam suis æmulis est peremptus & extra cimiterium Ecclesiae tumulatus . Et licet contra interfectores amici & consanguinei interfecti graviter sint commoti , eis tamen omnem rancorem remitterent & offendam , dummodo interfecti cadaver traderetur ecclesiastica sepulturae . Videretur igitur forsitan in hoc casu quibusdam quòd cùm sacramentum non necessitatis articulus sed contemptus religionis excludat , & judicium Ecclesiae divinum debeat judicium imitari , cùm etiam in interfecto prædicto manifesta pœnitentia signa præcesserint , & propter hoc absolutus apud Deum esse credatur , absolutus ab Ecclesia sit habendus . Sed è contrario , cùm ex sola culpa ligetur quis , quoad Deum , apud triumphalem Ecclesiam , ex sola sententia ligetur , quoad hominem , apud Ecclesiam militantem , quando vinculum culpæ remittitur , absolvitur apud Deum , sed apud homines non absolvitur nisi quando vinculum sententiae relaxatur . Alioquin Ecclesiae absolutione nullatenus necessaria videretur , si in sola cordis contritione præter sacerdotale officium rigor relaxetur ecclesiastica disciplinae . Nos igitur consultationi tuae de consilio fratrum nostrorum breviter respondemus , quòd judicium Dei veritati , quæ nec fallit nec fallitur , semper inititur ; judicium autem Ecclesiae non nunquam opinionem prosequitur , quam & fallere sàpè contingit & falli , & propter quod contingit interdum ut qui ligatus est apud Deum , absolutus apud Ec-

clesiam sit , & qui liber est apud Deum , ecclesiastica sit sententia innotatus . Vinculum ergo quo peccator ligatus est apud Deum , in culpa remissione dissolvitur . Illud autem quo ligatus est apud Ecclesiam , cùm sententia remittitur , relaxatur . quod in fascitatione Lazari sermo evangelicus manifestat , quem prius Dominus suscitavit , & Apostolis præcepit postmodum solvere suscitatum . Vnde quantumcumque prædictus se juramento præstito quòd Ecclesiae mandato pareret , humiliare curaverit , quantumcumque in eo pœnitentia signa præcesserint , quia tamen morte præventus absolutionis non potuit beneficium obtainere , quamvis apud Deum absolutus fuisse creditur , nondum tamen habendus est apud Ecclesiam absolutus . Potest tamen & debet ei Ecclesiae beneficio subveniri ; sic ut cum de ipsis viventis pœnitentia per evidenter signa confiterit , defuncto etiam absolutionis beneficium impendatur . Nec obstat quòd Ecclesiae legitur attributa potestas ligandi ac solvendi homines super terram , tamquam non possit solvere & ligare sub terra sepultos , & quod legitur ne communicetur mortuo cui non est communicatum & vivo ; cùm etsi communicatum non fuerit , communicandum tamen illi fuisse , quem non contemptus religionis sed necessitatis articulus impedivit , & in certis casibus à canonibus denotatis ligasse legatur Ecclesia mortuos & solvisse . Ut autem in uno pariter eodemque negotio & servemus rigorem & mansuetudinem ostendamus , statuimus ut illius mortui absolutio à sede apostolica requiratur , qui , cùm viveret , ab apostolica sede fuerat absolvendus . Aliorum autem absolutionem ex præmissa causa cereris indulgemus à quibus , cùm viverent , fuerant absolvendi . Absolutionis autem forma servetur , ut fiat cum pœnitentiali psalmo & tam oratione dominica quam alia consueta . Heredes tamen ipsius ad satisfactionem faciendam pro ipso , si commoniti parere noluerint , per distinctionem ecclesiasticam compellantur .

TITULUS XXXII.

De his qui excommunicati ad ecclesiasticos ordines promoventur .

Idem Episcopo sancti Andree.

Significante venerabili fratre nostro Andegayensi Episcopo per literas suas